

30. januar 2019

UPA2019/196

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

**Nuummi sanaartornikkut akit qaffakkaluttuinnartut sulisartunik akunnattumillu isertitalinnut nammakkuminaasut pillugit apeqquteqaat allaavigalugu oqallinnissamik siunnersuut.**

(Inatsisartunut Doris J. Jensen, Siumut)

**Tungavilersuut:**

Sulisartut akunnattumillu isertitalit akilersinnaasaannik inissialiortitersinnaaneq pingaaruteqarlunnarpoq, tassami ilaqutariit sulisartut akunnattumillu isertitalit meeraat toqqissisimasumik peroriartussappata angajoqqaavisa akilersinnaasaannik najugaqarnissaq pisariaqarpoq.

Illoqarfinni anginerni minnerunngitsumik Nuummi sulisartorpassuaqarpoq illuminnut imaluunniit inigisaminnut akiliutissaminnik artorsartunik. Nuummi sanaartortoqarnerujussua peqqutigalugu akit qaffakkaluttuinnarput, sanaartornerlu taamatut ingerlaannassaguni akit qummuinnaq ingerlanissaat suli takorloorneqarsinnaavoq. Nunatta naatsorsueqqissaartarfiani kisitsisit takutippaat inissiat akiisa 2006-imiit annertuumik qaffakkiartorsimanerat.<sup>1</sup>

Kommuneqarfik Sermersuumi Iserit a/s aammalu Ini a/s akigitataat assigiinngitsorujussuupput, ass. Iserit a/s-imi pingasunik sinittarfilik 3.700 kr-neqartoq Ini a/s-imi pingasunik sinittarfilik 7.000 kr-neqarsinnaasarpoq kallorip innera ilanngunnagu.

Sulisartut akunnattumillu isertitalit oqilisaassiffigineqassappata, assigiinngitsunik periarfissaqarpoq:

1. Markedspris aallaaviutillugu ullumikkut ajornakusoorpoq akikinnerusumik sanaartortitsiso-qarsinnaanera ingammik Nuummi, taamaamat inatsisiliornissaq periarfissaasinnaavoq.
2. Aappaattut Namminersorlutik Oqartussat Kommuunillu aningaasanik illikartitsinikkut qaavatigut isertitakittunut aammalu akunnattumik isertitalinnut inissianik attartornissamut tapiissuteqarsinnaasasut.
3. Boligsikring aaqqiivigineqarsinnaavoq. Taamaasilluni qulakkeerneqarluni isertitakittut nutaaliaanerusunik attartorsinnaanngorlugit.
4. Sisamaattullu Sulisartut Kattuffiat suleqatigalugu suliffeqarfiliortoqarsinnaavoq inissialiortussamik SIK ilaasortaasa akilersinnaasaannik soorlu Islandimi taamatut iliortoqartoq.

Qilanaarpunga partiit allat Naalakkersuisullu uunga isumassarsiamut isumaasa tusarnissaannut.

<sup>1</sup><http://www.stat.gl/dialog/main.asp?lang=da&version=201801&sc=PR&subthemecode=o2&colcode=O>

